



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH», broj: 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH», broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2015. GODINU ČAPLJINSKA NEZAVISNA STRANKA – ČAPLJINA U SRCU

Broj: 03-07-6-526/16
Sarajevo, 22.02.2017. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole	4
Cilj pregleda i kontrole.....	4
Obim pregleda i kontrole	5
4. PRETHODNE KONTROLE I REVIZIJE.....	5
5. NALAZI I PREPORUKE	5
5.1. NALAZI.....	5
5.2. PREPORUKE	5

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Čapljinske nezavisne stranke – Čapljina u srcu za 2015.godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2015. godinu, utvrđeno je da je Čapljinska nezavisna stranka – Čapljina u srcu prekršila odredbe člana 12. Zakona o finansiranju političkih stranaka.

Pregledom, odnosno kontrolom finansijskih izvještaja, osim gornjih napomena nismo zapazili ništa značajno, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Čapljinske nezavisne stranke – Čapljina u srcu za 2015. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Čapljinska nezavisna stranka – Čapljina u srcu nije ostvarila prihode, niti se finansirala iz kredita, što je iskazano u sljedećoj tabeli:

R/B	Izvori finansiranja	Iznos (KM)	Struktura (%)
1.	Članarina	0,00	
2.	Prilozi fizičkih lica (3-a)	0,00	
3.	Prilozi pravnih lica (3-b)	0,00	
4.	Prihodi od imovine (3-c)	0,00	
5.	Prihodi od dobiti preduzeća u vlasništvu političke stranke (3-d)	0,00	
6.	Prihodi od poklona (3-e)	0,00	
7.	Prihodi iz budžeta (3-f)	0,00	
8.	Prihodi od propagande (3-g)	0,00	
9.	Ostali prihodi	0,00	
I	Ukupni prihodi (1-9)	0,00	
II	Kreditno zaduženje kod banaka	0,00	
	Izvori finansiranja (I+II)	0,00	

U godišnjem finansijskom izvještaju stranka nije iskazala rashode.

2. PREDSTAVLJANJE POLITIČKE STRANKE

Naziv političke stranke: Čapljinska nezavisna stranka – Čapljina u srcu. Skraćeni naziv: ČNS.

Čapljinska nezavisna stranka – Čapljina u srcu, registrovana je kod Općinskog suda u Mostaru, rješenjem broj: R/2-13 od 21.10.2013. godine.

Sjedište političke stranke je u Čapljini, Kralja Tomislava bb.

Lica ovlaštena za zastupanje stranke su Mirko Vasilj, predsjednik i Pero Previšić, predsjednik skupštine.

Lice ovlašteno za podnošenje finansijskih izvještaja za 2015. godinu je Mirko Vasilj.

Prema podacima iz godišnjeg finansijskog izvještaja za 2015. godinu, Čapljinska nezavisna stranka – Čapljina u srcu nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Čapljinske nezavisne stranke – Čapljina u srcu za 2015. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju

političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Čapljinske nezavisne stranke – Čapljina u srcu obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Pregled i kontrola godišnjih finansijskih izvještaja Čapljinske nezavisne stranke – Čapljina u srcu obavlja se prvi put.

5. NALAZI I PREPORUKE

5.1. NALAZI

Čapljinska nezavisna stranka – Čapljina u srcu je prekršila odredbe člana 12. stav (3)¹ Zakona o finansiranju političkih stranaka.

- Godišnji finansijski izvještaj za 2015. godinu, Čapljinska nezavisna stranka – Čapljina u srcu je dostavila Centralnoj izbornoj komisiji Bosne i Hercegovine dana 09.05.2016. godine, tj. nakon zakonom predviđenog roka 31.03.2016. godine, čime je prekršila odredbe člana 12. stav (3)² Zakona o finansiranju političkih stranaka.
- Stranka u obrascu 2. (pregled prometa svih transakcijskih računa) nije iskazala broj transakcionog računa, niti naziv banke kod koje je otvoren, čime je prekršila odredbe člana 11. Pravilnika.

5.2. PREPORUKE

Preporučuje se Čapljinskoj nezavisnoj stranci - Čapljina u srcu da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da finansijske izvještaje koje podnosi Centralnoj izbornoj komisiji Bosne i Hercegovine dostavlja u zakonom propisanom roku i*
- *da ih popunjava u skladu sa Pravilnikom o godišnjim finansijskim izvještajima političkih stranaka.*

Komentar:

U ostavljenom roku, Čapljinska nezavisna stranka – Čapljina u srcu nije dostavila primjedbu na Preliminarni izvještaj o pregledu godišnjeg finansijskog izvještaja za 2015. godinu.

Pomoćnik revizora
Mr. sc. Goran Cicović

Šef Službe za reviziju
Mr.sc. Hasida Gušić

¹ Zakon o finansiranju političkih stranaka („Službeni glasnik BiH“, broj: 95/12).

² Do 31. marta naredne godine politička stranka podnosi finansijski izvještaj u formi koju odobri Centralna izborna komisija BiH.